

PUOGAE YA MOPHATO 3

# Beke ya go ka gakologelwa



SETSWANA

Maemo:

2

Buka

3



# Puiso e e kaelwang ya ditlhophha

## Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele barutwana ba buisa kgang.

## Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

## Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

## Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeeditsweng kwa morago ga buka e. (Tlhophha ditirwana tse di lebaneng maemo a barutwana)



Letla barutwana go diragatsa  
kgang fa e ba letla go dira jalo.




Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeeditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

# Beke ya go ka gakologelwa



E ne e le mafelo a beke a go etela  
Nkoko le Ntatemogolo mo polaseng.  
Tsala ya me ya botlhokwa, Daza le nna  
re ne re bua ka ga mafelo a beke a rona  
ka nako nngwe le nngwe.

Morutabana wa rona, Mme Setilo, o ne  
a re tshwara re amogana dintlhanyana  
ka ga mafelo a beke mme re ne re  
itumetse thata e bile re sa mo tseye  
tsia.



Re ne re rata polasa. Go ne go na  
le dipidipidi, diganse, dikoko, ditonki,  
dintšwa, dikgabo le dipodi tse dinnye  
tse tharo.

Dipodi di ne di tlhatlhetswe mo lesakeng  
gaufi le ditonki. Di ne di na le matlalo a  
a bogwata, ditsebe tse dikgolo, matlho,  
le dinaka tse di obegileng mo gare ga  
diphatlha.

Lamatlhatso mongwe le mongwe,  
Nkoko le Ntatemogolo ba ne ba rwala  
dibutshu le diobarolo go phepafatsa  
lesaka la dipodi.

Lesaka la dipodi le ne le tletse maswe e  
bile le na le seretse.




Fa re kgweeletsa kwa ntlong ya polasa,  
ke ne ka utlwa gore go sengwe se se  
fosagetseng. Nkoko le Ntatemogolo ba  
ne ba sa tla go re amogela kwa hekeng.

"Bona, mma, go sengwe se se  
diragetseng. Nkoko le Ntatemogolo ba  
robetse mo bogareng jwa lesaka le le  
maswe!"


"Ijooo, mmaweee," ga tsiboga Mme.

"Ke solo fela ba sa robega marapo  
ape! Mme gona dipodi tse tharo di  
kae, Ngwanyana, Leila le Billy? Di  
tshwanetse tsa bo di ngweegile gape!  
Benjamin, wena le Daza, bonang gore  
dipodi di ile kwa kae fa nna ke thusa  
Nkoko le Ntatemogolo."




Ngwanyana, podi e e bokgwabo e e neng e godisitswe le dintšwa, e ne e le sebopiwa se se sa tlwaelegang. E ne e sa itse gore a ke ntšwa, podi kgotsa motho. Nkoko o e godisitse ka lebotlolo. Fa e ne e le nnye e ne e tlwaetse go utswa dikerepe le go robala mo disofeng! Ngwanyana e ne e le botlhale mme gantsi e ne e tsholetsa heke mme e ngweege go tswa mo lesakeng. Tse dingwe tse pedi di ne di aga di e sala morago.

Leila, podi e nnyenyane mo go tsona tsotlhhe, le yona e ne e bolokilwe, mme Billy, e kgolokgolo e ne e tshwenya thata mme e aga e thula batho. Ke ne ke itse gore se, ke sona se diragaletseng Nkoko le Ntatemogolo!



Re ne ra tabogela ka bonako kwa tlase  
kwa masimong. Dipodi tsotlhe di ne  
di tsamayatsamaya mo masimong a  
a tlhagotsweng, di ja tlhaga e bile di  
tshotlha mebitlwa.

Ke ne ke eletsa go ka di tlogela teng koo  
mme ga bo go se na digotlo kana magora.  
Dipodi di ne di rata monate wa diporothia  
tsa ga Rre le Mme Nathi. Re ne ra di  
bitsa ka bonolo. "Ngwanyana, Billy, Leila,  
tlayang fano." Billy a tsholetsa ditsebe tsa  
gagwe mme a simolola go tiba fa fatshe.



Sa ntlha ka ya kwa go Ngwanyana. Ke ne ka e sebele mo tsebeng ya yona mme ya tsamaya ka setu fa thoko ga me. Leila o ne a sala Daza morago mme ra di gapela kwa lesakeng la tsona.

Nkoko le Ntatemogolo ba ne ba sa tlhole ba le teng. Mme o ne a netefaditse gore ga ba a gobala mme ba ne ba dutse mo ditulong tsa bona mo setupung se se kwa morago.

Re ne ra notlela lesaka sentle mme ra ya go batla Billy. Re ne ra e bofa ka kholoro ya ntšwa ka mogala o moleele go dikologa molala wa yona mme ra gapela Billy wa mosireletsi kwa morago mo lesakeng.



Re ne re emetswe ke dibesikiti tse di  
dirilweng mo gae le mmaelo.

"Re a leboga, Nkoko!" ra goa boobabedi.  
Re ne re rata dibesikiti tsa gagwe.

Nkoko le Ntatemogolo ba ne ba na  
le dintšwa tse tlhano: Jasmine, Joya,  
Khalo, Ntšwakgolo le Dito. Tsotlhe  
tse di ne di se na magae, e le dilealegi  
tse batsadi ba batsadi ba me ba di  
godisitseng.

Jasmine e ne e le mosetsana wa maoto  
a maleele yo montle ka letlalo le le  
phatsimang le ka matlho a magolo.



Dintšwa di ne di na le seabe sa botlhokwa mo polaseng. Ntšwakgolo e ne e le dimonyana yo o neng a tsalana le Kusi wa leganse. Fa re ne re bitsa Ntšwakgolo go batla dijo tsa gagwe, Kusi o ne a ngongorega gore ena ga a fiwe le fa e le lenathwana. Ke ne ka tabogela kwa morago kwa khitšhining go mmatlela senkgwenyana.

Nkoko o ne a rata ntšwa e go tweng Joya. E ne e nnile le Nkoko go tloga bogologolo. E ne e rata Nkoko mme e ne e a tle e ikgotle ka ena fa go kgonega.

Dito le Khalo e ne e le dintšwa tse dinnye tse di neng di rata go nna mmogo. Di ne di aga di netefatsa gore dikgogo di babalesegile nako nngwe le nngwe fa bophokojwe ba ne ba tsene mo polaseng.



Nkoko le Ntatemogolo ba ne ba na le letamo le legolo mo polaseng ya bona. Nna le Daza re ne re rata go thuma mo go lona.

Mo mosong o o latelang, dintšwa tse tlhano, nna le Daza re ne ra tabogela kwa letamong go ya go thuma mo mosong.

Jasmine, yona ka boyona, e ne e rata go thuma. Letsatsi lengwe fa ke ne ke tshwerwe ke kerempe e e botlhoko mo leotong la me, e ne ya tshwara letsogo la me ka iketlo, mme ya nkgogela kwa thoko. Nna le Daza re ne ra ikutlwa re bolokesegile mmogo le Jasmine.



Morago ga go ikhutsa diura kwa letamong, ya bo e le nako ya dijotshegare. Ya re fa re le mo tseleng ya go boela gae, ra utlwa modumo wa kutlobotlhoko "baaa". Konyana e e sa tswang go tsalwa ya bo e tshwerwe ke sekgwa sa ditlhare tsa mebitlwa.

"Daza, nthuse go golola konyana e nnye go tswa mo mebitlweng e," Benjamin a kopa.

Morago ga matsapanyana, re ne ra kgona go golola konyana. Ya kotsepelela go ya kwa go mmaayo, yo ka sebaka seo a neng a ntse a e batla. Kwa gae, re ne ra tlottlela mongwe le mongwe gore re dirile eng.

"Lo dirile sentle," ga bua Ntatemogolo. "Mme lo tlala tlottlela ditsala tsa lona go le gontsi kwa sekolong ka moso!" A mafelo a beke a a monate! Re ratile polasa thata.

**Dilo tse dintle di tlala aga di gopolwa ka  
dinako tsotlhhe.**



# Motlhokomedi Tleloko

Abuti o kopane le podi ya motlhokomedi  
e a e tlisitseng gae tsatsi lengwe  
O dueletswe tiro ya gagwe ka podi  
go na le go amogela madi.

A sa itse gore Mme ga a rate dipodi  
a se ka a itshoka go bua,  
ka moo a boneng podi ya gagwe e nnye  
Eo a e bitsang Motlhokomedi Tleloko.

O aga a tshameka le Motlhokomedi Tleloko  
letsatsi le letsatsi kwa dithobanyaneng  
mme fela jaaka batho ba ruta ntšwa,  
o rutile podi e mathaithai.




Motlhokomedi Tleloko a mo sale morago  
tota le fa a ya kwa sekolong  
podi eo e ne e sa ineele  
jaaka pompo e nnyane.



Mme ka gobo a ne a e golola  
gore e tsamae ka phuthologo,  
moso le moso o tlaa mo utlwaa goa,  
"Boela gae podi ke wena, boela gae."

# A o ne o itse?

- ✓ Podi le potsane di lemoga mantswe le go bitswa ga tsona fela morago ga gore mmaayona a e tsale.
- ✓ Dipodi di na le mokgwa o o gaisang wa go itshegetsa. Di na le mokgwa wa bokgeleke wa go itshwarelela mme ka jalo di kgona go tshela mo dithabeng tse di mokong thata.
- ✓ Dipodi di kgona go palama mo ditlhareng mme dipodi tse dingwe di kgona go tlola dilo tsa bogodimo jwa mmitara le halofo.
- ✓ Dikgogo ke masika a a tshelang a Thaerasorase Rex.
- ✓ Dikgogo di kgona go lemoga le go gakologelwa batho ba ba farologaneng.
- ✓ Setlhophpha sa diganse se bidiwa segopa.
- ✓ Setlhophpha sa diganse tse di fofang ka sebolepo sa V se bidiwa sekeine. Ngwana wa ganse o bidiwa gansenyanan.
- ✓ Dintšwa di itsege jaaka "tsala ya botlhokwa ya motho"
- ✓ Dintšwa di na le kutlo e kgolo thata mme di kgona go utlwa medumo e e bokgakaleng jo re sa kgoneng go bo utlwa.
- ✓ Re dirisa dintšwa jaaka dintšwa tse di kaelang, dintšwa tsa sepodisi le jaaka diotlwana. Di botlhale thatathata.



# Ditirwana tsa puiso ya ditlhophha



1

Buisa dipotso tse di latelang mme o kwale dikarabo.

- Daza le Benjamin ba ne ba neeletsana dintlhha mo phaposiborutelong. O akanya gore go diragetse eng ka ga basimane ba?
- Maina a dipodi e ne e le bomang? Ke efe e o neng o e rata thata? Goreng o rialo?
- Tlhalosa gore go diragetse eng ka ga Nkoko le Ntatemogolo. Kwala dipolelo di le 5.
- Benjamin le Daza ba buseditse Billy mo lesakeng jang?
- Benjamin le Daza ba dirile eng go boloka botshelo jwa konyana e nnye?
- A o akanya gore Benjamin le Daza ba nna mo toropong kgotsa mo polaseng? Bua gore ke eng o akanya jalo.
- A o rata go nna mo polaseng? Goreng o rialo?



2

Itseye gore o Daza. Kwalela Bonkokoagwe Benjamin lekwalo o ba lebogele mafelo a beke a a monate a o a ntseng kwa polaseng.

## PUOGAE YA MOPHATO 3



Buka 3

<i>Leina kana setlhogo:</i>	Beke ya go ka gakologelwa
<i>Puo:</i>	Setswana
<i>Maemo:</i>	Padiso ya Puogae Mophato 3 Maemo 2 Buka 3
<i>Mofuta wa sekwalwa:</i>	Kanelo
<i>Mafoko a tlwaelo:</i>	ka, sengwe, kae, seng, gantsi, morago, mmogo, leng
<i>Tlotlofoko:</i>	magwata, itumedisa, tlola, tlogela, ngongorega, sireleditswe, nnye, manathwana, thatathata, sakgala
<i>Medumopuo:</i>	Mopeleto o o tshwanang wa mafoko a bokao jo bo farologaneng, noka/noka, fitlha/fitlha, bona/bona, ngaka/ngaka
<i>Diteng, mareo le bokgoni:</i>	<ul style="list-style-type: none"><li>Araba dipotso tsa tekatlhaloganyo</li><li>Kwala lekwalo la tebogo</li></ul>

CAPS e batla gore barutabana ba beele kwa thoko nako e e rileng ya go tota puiso ya ditlhophha e e kaelwang letsatsi le lengwe le lengwe. Puiso ya ditlhophha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekathlaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2646-8



9 781431 526468



ISBN 978-1-4315-2646-8

**THIS BOOK MAY NOT  
BE SOLD.**



**basic education**

Department:  
Basic Education  
**REPUBLIC OF SOUTH AFRICA**

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.



**Robi Mmutlanyana o tsietsa  
Freddie Phokojwe**

**Letsholo la kwa lewatleng**

**Boitumediso mo khitsining**

**Bukatsatsi ya Ngwana  
Matshwenyego**



**Go ngweega go gogolo**

**Thandi o na le letsatsi  
le le bosula**

**Beke ya go ka gakologelwa**



**Go na le selalome mo rakeng  
ya me**

**Kgetse ya dikukukopi  
tse di latlhiegileng**

**Go a makatsa mme ke nnene**